

DIRECTOR-FONDATOR DR. T. ȘUNDA

---

# ALMANAH MAGEDO - ROMÂN

Anul IV

1903

---

Tipărit cu spesele generosului patriot D-l K. G. MISĂ

---



BUCURESCI

TIPOGRAFIA G. A. LAZAREANU

*No. 3, Strada Episcopiei, No. 3*

1903.

tut sin cîpidañ, *palicarî* (ți undzeaste cu grațu a nostru *pîlicar* i pulicar, latineaste *pollux*) Ași di cara: *cocă* (arbișeaste ică pi limba tracă a locu) clamă cap; *cuc* = cîp, cîpidan (cum dzic ș'frențil *chef*, *chevalier* di la *chefali* grîtescu); di la *cuc* ynegrațu *cucon* *cuconă*, ți-poartă *capelă* (di la *cap*) tu vecul chiro ți-l dzîtea *cuca*. In Romînia maș vecil boerî i arhondzi îl clîma *cucon*, *cuconă*; la noș *s'dzîte nicuchir* s'clamă *domnu* 'n casă i *stăpin* (ți pistip-sescu că s'ynă di la *stăpi*, casă pi arbișeaste) și *stăpin* iaste tut ună cuvendă cu *domnu* di la *dominus* (latinescu ți yne di la *domus*=casă) Vurgurli di aña loară *stopan* și *domachin*. Iara rumeșli ică grețli di tora ș dzic cîpidan. Iara di la cîp, *cuc* ș loară numa tut frațli a noștri Tuțueni, cîciunî, moțani și mocani ică cucueni.

Dr. Șunda.



## FETICA ȘI CAȚITA

— «*Lea catilă,*  
*Lea lăilă*  
*Cum n'avuși niheam di frică*  
*De-ți insiși tru livădică?*  
*Nică-î iarna, lea mărata*  
*Ș'vâr turtună va s'ti bată!»*  
— «*Leată nică*  
*Mușitică,*  
*Eu n'am frică di iarnă-arauă,*  
*Di furtună și di neauă;*

*Că a nîia Tatăl-Mare*  
*Ńi-are dată dimăndare*  
*Ș'yn, s'vă spun*  
*Ș'aduc grai bun:*  
*Că primăveara*  
*Vine iara*  
*Primăveara cu ghinețle*  
*Și cu toate mușitețle,*  
*Di toți multu aștiptată*  
*Că 'ș'eastă ca tine mușată.*

N. C. Vello

## MARTIRLI ARMÎNIULUI

VANGHELI I. NICOLCEANU (CROITOR) DI BELCAMEN

Pin'tu 1891 Belcameșli avea maș sculie în 'nvița gîr-teașce fietorli di Armîn. Tu 1891 Vangheli I. Nicolceanu, ți ira araftu cu numa 'n hoară, ș'nica 'ndoș soț di a lui vîniț diu Romînia, în lucră, dișclisîră sculie armînească. Soțli lo-agiuta cît s'nu hibă singur, ma tute lucrăle iți lipsea, Vangheli I. Nicolceanu ș'alisa lucrulu și lucră cu tută inima



pîn' si s'dișclidă sculia. Tehnea lui ira protă ș'tuț îl vrea, tuț s'duțea la năs, tuț lo-avea oaspe, ca frate.

După ți s'dișfeate sculia armînească armase Vangheli singur; soțli din România îl fudziră din hoară ș' compatrioțli l'avea ziliulu. După doi meși vine Dhispoti Belcameñli, și 'n bîsearică, cîndo ira tuț adunaț, Dhispoti ahîurhi s'li spună a laolui ti Vangheli Nicolceanlu că aistu om ȳaste azgunit di tu sinlu a Bîseariclei ortodoxe și lo-afurisi ș'li spuse a tuturor si s'afirească di năs, s'nu l'grească s'nu aibă dare-loare cu năs că-ȳ pîngin. Belcameñoțli îl pistipsiră pi Dhispoti ș'acîtară si ș'pizuiască di Vangheli s'afirea di năs ca di urye ș'nu vrea vîrnu niți s'lu află 'n cale ni s'li grească, ni s'lu veadă cu ocli.

Di ȳu ira ma nînte casa lui ca hane, că tuț ynea la năs, vîrnu nu-l călcă 'n casă ni compatrioțli a lui ma ș'niți cusuriñli a lui, ca lală-su, verȳ buñ, nipot. Nu s'numiră di cîte orȳ lo-azguniră din Bîsearică și pi năs și pi învițatorlu armîn cu cîumaglu. Nu lo-alisă s'șeadă niți 'n păzare.

Tu 1893 unoară s'dusiră Vangheli Nicolceanlu și 'nvițatorlu Gorciu Tale la bîsearică; grecomanli fanatiți așciptară pîn'înși bîsearica ș'tu inșită s'hîumîsiră pi Vangheli ș'pi Gorciu Tale ș'ahîț s'avea aprimă ȳi vrea-l vatimă ti semnu. Gorciul ascîpă ca ti ciudie și s'ascunse tu-nă cocină. Al Vangheli nu-l si aspîre oculul; mă s'vidzu singur, patriot cu dor ti limba ș'ti fara lui di Armîn, tu nă hoară armînească, tu patria lui ș'alanți tuț frațli a lui ȳu lo-avină s'lu vatimă, că ține limba ș'soia tutulor compatrioțlor di Belcameñli; și după ȳi vidzu că sculia armînească nu s'încide de ao-nînte, vru nu vru fudzi din hoară ș'aligă pi Galațli, Brăila, Călărași, Piatra-Neamțu, Panciu ș'alte multe horȳ din România și s'află cu mulți soț de a lui.

Tuț lo-agîțtară, tuț îl deadiră curaje căȳ cum putu, lu împrumutară că avea armasă fir vîrnă scoatire di pi tehnea lui, că vîrnu nu ynea la năs și aș s'turnă ȳara Belcameñli.

Di oara aistă li spunea a compatrioților a lui cu ma multă curaje că năș sîntu. Armîn ș'prinde s'hibă tuț pi ună minduire ca fraț ȳi sîntu și ș'pitreacă fumeala s'înveață limba lor mușată nu ună xeană ca grîțeasca.

Caȳ lo-asculta? Dzise Dhispoti că Vangheli ȳaste afurisit, afurisit armase ti tuț Belcameñioțli. Cîndo s'turnă din România tu 1894 îl muriră și 'nveasta lui și ațel doli fîclorȳ, îndoapurlu a lui ti tu aușatic. Clamă prețli si scoală mortul (că nu-l muriră tuț di unoară), prețli nu viniră ș'niți altu vîrnu nu-l cîlcă 'n casă, tu ahtare oară. Vidzu ȳi nu



vidzu îl lo singur în brață pi scunchil a lui fîciorî, ş'un mea ş'alantu, şi singur li duse pîn la mîrminţi, singur li adîră groapa, singur li îngrupă.

Cînd vidzură ahîtă curaje ş'ahît patriotismu ti spuse Vanghelî Nicolceanlu ti Armînizmu, ti bunlu a tutulor Armînilor ca s'înveaţă limba lor, Belcameñotli şidzură di s'mînduiră virtos ghine ş'achicăsiră că Dhispoti feaţe ună amîrtie crîştinească, ti nu că si spună! anda lo-afurisi pi Vanghelî Nicolceanlu di vreî nu vreî că ş'tîne ş'nu ş'u da, nu ş'u arniseaşce, nu ş'u vinde limba ş'numa di Armîn. Dhispoti si spuse cu aistă un muzavir ti vine 'n bîsearică tu casa al D-dză s'bagă 'ntîpîtură ş'ti 'ntîpîtură 'n hoară ca s'li bagă pi somnu pi Armîn s'nu s'dîşceaptă vîrnă oară şi s'veadă că di ti soîe mare sîntu ş'cît ahîrdzeaşce ti cathe un s'înveaţă limba lui di dadă ş'tată. Hoară tută s'trîndăi şi s'bubui di ti vidzu pi Vanghelî Nicolceanlu cîndo preftîl al Dhispoti nu vrură s'li facă arăzle crăştînesci a unor crîşciîni bîn ti l lîrtă D-dză.

Atumţea li si disfeţiră oculi a tutulor.

De atumţea s'apruchîră di sculia armînească, şi di patriotlu armîn ca un martiru Vanghelî Nicolceanlu cunuscură cită 'ndriptate are că nu strîxi s'facă ti vrea Dhispoti şi toate li pîti şi lucrul ş'aspase maş că vru ca bun Armîn di Belcameñ s'li spună a fraţlor a lui ti cale 'ndreaptă s'apucă; şi ahiurhiră si ş'da fîciorli la sculia lor armînească.

Deadun cu Vanghelî alumtară ti Armîniî cu multu dor di patriot şi *Dince I. Nicolceanu, Gheorghî Nicolceanu, Ivratli Iancu, Toma Costandin, Sotir Nicola şi Mihali Cucinîta*. Onoare a lor!

Belcameñli fură pi aradhă aîsti 'nviţătorî armîn *Gorciîu Tale, Steriu Constantinescu, Mihail Nicolescu* şi tora îaste *Teodor Nero*. Tuţ lucrară pîn'tora cu tută inima ş'cum prinde ca bîn apostoli a romînizmului. Ază tu sculia di Belcamenli înveaţă muşata noastră limbă pisti 40 di fîciorî şi sculia nainteadză.

Martirlu Vanghelî I Nicolceanlu şciu ti ti li arîvdă tute ti-l feaţiră Dhispoti Panariotlu şi fraţli a lui Armîn, ti nu scia ti fîţea, că a lor singurî zînie şi slăbîntă ş'fîţea.

Martirlu li pîti tute ti 'ndriptate, şi 'ndriptatea acîţă s'î lasă şi s'lutească ca soarele. D-dză s'nî-l hîrdzească s'nă bîncadză aî multî, ca s'veadă că tuţ Armînli imnă pi calea ti u lo năs di multu, calea patriotizmului curat, mintimen.

Spuse di D-l **MIHAIL NICOLESCU**

di Belcamen, student la şcoala de arhitectură